

USLOVI ZA OSIGURANJE PROFESIONALNE ODGOVORNOSTI ADVOKATA ADVOKATSKIH ORTAČKIH DRUŠTAVA I ADVOKATSKIH DRUŠTAVA

OZNAKA AKTA	IA-USL-2-008-1.0.		
TIP AKTA	USLOVI		
OZNAKA POVJERLJIVOSTI	interno	VERZIJA	1.0.
PROTOKOL	01-42-22/19	DATUM	23.01.2019.
	ORGAN/FUNKCIJA	IME I PREZIME	POTPIS
AKT PRIPREMIO	Ovlašteni aktuar	Bojan Latinović	
AKT DONOSI	Upravni odbor	Saša Vučenović	
<i>Ovaj akt je vlasništvo „Premium Invest osiguranja“ a.d. Banja Luka. Zabranjuje se korištenje, kopiranje i distribucija ovog akta ili njegovog sadržaja izvan Društva. Ukoliko ste došli u neovlašten posjed ovog akta molimo Vas da nas obavijestite na e-mail adresu info@premiumosiguranje.com</i>			

Na osnovu člana 304. Zakona o privrednim društvima ("Sl. glasniku RS", br. 127/08, 58/09, 100/11, 67/13 i 100/17) i člana 33. Statuta društva za osiguranje „Premium Invest osiguranja“ a.d. Banja Luka, Upravni odbor na X sjednici održanoj dana 23.01.2019. godine, donosi sljedeće:

USLOVE ZA OSIGURANJE PROFESIONALNE ODGOVORNOSTI ADVOKATA, ADVOKATSKIH ORTAČKIH DRUŠTAVA I ADVOKATSKIH DRUŠTAVA

I UVODNE ODREDBE

Primjena Uslova za osiguranje profesionalne odgovornosti advokata

Član 1.

Ovi Uslovi primjenjuju se na osiguranje profesionalne odgovornosti advokata, advokatskih ortačkih društava i advokatskih društava.

Značenje pojedinih izraza

Član 2.

Pojedini izrazi u ovim Uslovima imaju sljedeća značenja:

1. "Osiguravač"- Društvo za osiguranje „Premium Invest osiguranje“ a.d. Banja Luka sa kojim je zaključen ugovor o osiguranju;
2. "Ugovarač osiguranja" - lice koje sa Osiguravačem zaključi ugovor o osiguranju;
3. "Osiguranik"- fizičko ili pravno lice koje obavlja advokatsku djelatnost u skladu sa Zakonom o advokaturi i čija je odgovornost pokrivena osiguranjem;
4. „Advokatski pripravnik i stručni saradnici“ su lica na obuci i u radnom odnosu s advokatom ili advokatskim ortačkim društvom ili advokatskim društvom, kao poslodavcem, koji postupaju po nalogima i uputstvima u ime poslodavca, a za račun lica koje je u poslovnom odnosu sa njihovim poslodavcem;
5. "Premija osiguranja" - iznos koji Ugovarač osiguranja plaća Osiguravaču za osiguranje po ugovoru o osiguranju;
6. "Suma osiguranja" - maksimalna obaveza Osiguravača po jednom štetnom događaju u toku ugovorenog trajanja osiguranja;
7. „Polisa“ - zaključen ugovor o osiguranju;
8. "Treće lice" - lice koje nije subjekt ugovora o osiguranju odnosno lice čija odgovornost nije pokrivena ugovorom o osiguranju;
9. „Klijent advokata“ - lice kome Osiguranik pruža pravnu pomoć na osnovu punomoćja, ovlaštenja ili nekog drugog pisanog akta;

II OSNOVNE ODREDBE

Predmet osiguranja

Član 3.

Predmet osiguranja prema ovim Uslovima je zakonska (građansko - pravna) profesionalna odgovornost Osiguranika za štete koje su nastale Klijentima, kao posljedica bavljenja advokaturom.

Polisom osiguranja od profesionalne odgovornosti u smislu ovih uslova obuhvaćena je i odgovornost osiguranika, kao poslodavaca, za štetu koju u radu učine kod njih zaposleni stručni saradnik i

advokatski pripravnik u izvršavanju poslova po nalogu i uputstvima poslodavca saglasno članu 72. i članu 80. Zakona o advokaturi Republike Srpske.

U slučaju da je Osiguranik pravno lice, osiguranjem su pokrivena samo ona lica koje se bave advokaturom i koja su navedena u spisku, koji čini sastavni dio polise.

Advokatura je nezavisna i samostalna služba pružanja pravne pomoći fizičkim i pravnim licima. Pružanje pravne pomoći obuhvata:

- 1) davanje usmenih i pismenih pravnih savjeta i mišljenja,
- 2) sastavljanje tužbi, zahtjeva, prijedloga, molbi, pravnih lijekova, predstavki i drugih podnesaka;
- 3) sastavljanje ugovora, zaveštanja, poravnanja, izjava, opstih i pojedinačnih akata i drugih isprava;
- 4) zastupanje i odbranu fizičkih i pravnih lica;
- 5) posredovanje u cilju zaključenja pravnog posla ili mirnog rješavanja sporova i spornih odnosa,
- 6) obavljanje drugih poslova pravne pomoći u ime i za račun domaćeg ili stranog fizičkog ili pravnog lica, na osnovu kojih se ostvaruju prava ili štite slobode i drugi interiješi.

Član 4.

Osigurani slučaj prema ovim Uslovima je svaki pojedinačno određeni propušteni oblik pravne pomoći ili učinjena profesionalna greška, prema članu 3. stav 5. ovih Uslova, kojima se trećim licima prouzrokuje šteta.

Smatra se da je osigurani slučaj nastao onda kada je bez krivice osiguranika, koji je postupao sa povećanom pažnjom, prema pravilima struke, tj. postupao sa pažnjom dobrog stručnjaka, došlo do neispunjenja, djelimičnog ispunjenja ili neurednog ispunjenja obaveze osiguranika, predviđenih propisima građanskog i krivičnog prava, Zakonom o advokaturi i Kodeksom profesionalne etike advokata.

Klauzula o serijskim štetama

Član 5.

Više štetnih događaja nastalih iz istog uzroka ili iz istovrsnih vremenski povezanih uzroka, smatraju se jednim osiguranim slučajem.

Trajanje ugovora o osiguranju

Član 6.

Ugovor o osiguranju po ovim Uslovima, zaključuje se za period od najmanje jedne godine, ukoliko se drugačije ne ugovori.

Za višegodišnje osiguranje osiguravač odobrava popust u skladu sa važećom tarifom osiguranja.

Isključenja iz osiguranja

Član 7.

Osiguranje se ne odnosi na odštetne zahtjeve:

1. zbog ugovorenog proširenja odgovornosti osiguranika i na slučajeve kad po zakonu ne odgovara,
2. prouzročene posredno ili neposredno ratnim i političkim rizicima bez obzira da li je rat objavljen ili nije,
3. zbog neodržavanja ugovorenih rokova, ukoliko je za to odgovorna stranka koju advokat zastupa,
4. zbog prekoračenja ovlaštenja po punomoći,

5. zbog uskraćivanja pravne pomoći iz razloga koje propisuje zakon i opšti akti Advokatske komore Republike Srpske,
6. zbog namjere i prevare osiguranika,
7. u svim slučajevima gdje se ne može utvrditi odgovornost osiguranika u smislu Zakona i ovih uslova, kao ni odlukom Komisije za utvrđivanje i procjenu štete, i
8. štete nastale po proteku 30 dana nakon otkaza punomoći, a ne radi se o slučajevima uskraćivanja pravne pomoći u smislu čl. 19. Zakona o advokaturi Republike Srpske („Službeni glasnik Republike Srpske“, broj 80/15).
9. odgovornost za štete nastale uslijed nepoštovanja propisa kao i Kodeksa profesionalne etike advokata.
10. odgovornost za štetu koja je nastala kao posljedica zloupotrebe povjerljivih informacija od strane osiguranika ili zaposlenih kod osiguranika;
11. odgovornost Osiguranika kao fizičkog lica, van profesionalne djelatnosti;
12. odgovornost Osiguranika ukoliko advokatske poslove obavlja u saradnji sa nadriparisima;
13. štete nastale uslijed gubitka elektronskih podataka;

Teritorijalno važenje osiguranja

Član 8.

Osiguranjem su obuhvaćeni osigurani slučajevi nastali na teritoriji Bosne i Hercegovine, ukoliko se drugačije ne ugovori.

Vremensko važenje osiguranja

Član 9.

Osiguravač je u obavezi samo onda ako osigurani slučaj nastane za vreme važenja osiguranja. Ovim osiguranjem nisu obuhvaćene štete od odgovornosti za propuste ili greške u obavljanju delatnosti, koju su bile poznate u vreme sklapanja ugovora o osiguranju ili nisu mogle ostati nepoznate. Propust ili greška smatraju se poznatim kad ih Osiguranik sam utvrdi ili za njih sazna, a da jos nije podnesen ili nije najavljen odštetni zahtjev od strane trećeg lica.

Plaćanje premije

Član 10.

Premija osiguranja plaća se odjednom unaprijed ili u ugovorenim rokovima. Ako premija nije plaćana do dospelosti ugovorenog roka, osiguravaču pripada pravo na zakonsku zateznu kamatu od dana dospijeaća do dana plaćanja dospelje obaveze.

Ako osiguranik premiju plaća poštom, smatra se da je na dan uplate dužnog iznosa pošti podmirio svoju obavezu prema osiguravaču.

Ako osiguranik premiju plaća nalogom na određeni račun osiguravača, smatra se da je izvršio plaćanje premije onda kad uplati dužni iznos u korist označenog računa osiguravača. Kada osiguranik ispuni svoju obavezu plaćanja premije, potpuno ili djelomično, ima pravo zahtijevati da mu osiguravač o tom dâ priznanicu.

Član 11.

Suma osiguranja je gornja granica obaveze osiguravača po jednom osiguranom slučaju, bez obzira na broj oštećenih lica i lica čija je odgovornost pokrivena osiguranjem. Ukupna suma osiguranja je gornja granica obaveze osiguravača za sve osigurane slučajeve nastale u jednoj godini osiguranja.

Najniža suma osiguranja, po osiguranom slučaju, bez ograničenja broja slučajeva, iznosi:

- 1) 250.000 KM za advokata, bez obzira na to da li se bavi advokaturom samostalno ili kao član u zajedničkoj advokatskoj kancelariji ili kao član advokatskog ortačkog društva, ili kao član advokatskog društva
- 2) 500.000 KM za advokatsko ortačko društvo i advokatsko društvo.

Iscrpljivost ukupne sume osiguranja

Član 12.

Ukupna suma osiguranja se iscrpljuje odnosno umanjuje za iznos svake pojedinačne isplaćene naknade iz osiguranja. Nakon iscrpljena ukupne sume osiguranja u cjelosti, osiguranje prestaje da važi.

Obaveze Osiguranika po nastanku osiguranog slučaja

Član 13.

Osiguranik je dužan da obavijesti Osiguravača o nastupanju osiguranog slučaja, kao i o podnijetom zahtjevu za naknadu štete, najkasnije u roku od tri dana po saznanju.

Osiguranik je dužan da obavijesti Osiguravača i onda kada zahtjev za naknadu štete protiv njega bude podnesen preko suda, kada mu bude određen pritvor, kao i kada bude pokrenut postupak za obezbjeđenje dokaza.

Ako je pokrenut istražni postupak, podignuta optužnica ili je donesena odluka u krivičnom postupku, Osiguranik je dužan da o tome odmah obavijesti Osiguravača, pa i onda ako je već prijavio nastanak štetnog događaja. Takođe je dužan da dostavi nalaz nadležnog organa u vezi sa nastalim štetnim događajem.

Osiguranik nije ovlašćen da se bez prethodne saglasnosti Osiguravača izjašnjava o zahtjevu za naknadu štete, a naročito da ga prizna potpuno ili djelimično, niti da se po zahtjevu za naknadu štete poravna, niti da izvrši isplatu.

Ako se ne postigne sporazum o naknadi iz osiguranja u vansudskom postupku, pa oštećeni podnese tužbu protiv Osiguranika u parničnom postupku ili se parnični postupak pokreće na osnovu odluke suda u krivičnom postupku o imovinsko pravnom zahtjevu, Osiguranik je dužan da dostavi Osiguravaču tužbu, sudski poziv i sva pismena u vezi sa štetnim događajem i zahtjevom za naknadu štete, kao i da pozove Osiguravača na mješanje u parnici na njegovoj strani ili da ga ovlasti da ga u toj parnici zastupa.

Ako se Osiguranik protivi prijedlogu Osiguravača da se zahtjev za naknadu štete riješi poravnanjem, Osiguravač nije dužan da plati višak naknade, kamate i troškova koji su uslijed toga nastali.

U slučaju da se oštećeni sa zahtjevom za naknadu štete neposredno obrati Osiguravaču, Osiguranik je dužan da Osiguravaču pruži sve dokaze i podatke sa kojima raspolaže, a koji su neophodni za utvrđivanje odgovornosti za pričinjenu štetu i za ocjenu osnovanosti zahtjeva, obima i visine štete.

Ako usljed promijenjenih okolnosti Osiguranik stekne pravo da zahtjeva da se ukine ili smanji renta oštećenom licu, dužan je da o tome obavijesti Osiguravača.

Osiguranik će u svako doba:

- dati Osiguravaču ili njegovom imenovanom predstavniku takve informacije, pomoć i potpisane izjave, kakve Osiguravač može da traži,
- pomagati u odbrani od ma kakvog odštetnog zahtjeva, ne tražeći za to bilo kakvu nadoknadu od Osiguravača.

Ukoliko se Osiguranik ne pridržava obaveze iz ovog člana, snosiće štetne posljedice koje uslijed toga nastanu.

Obaveze Osiguravača

Član 14.

U vezi sa podnesenim odštetnim zahtjevom od strane oštećenog lica Osiguravač je u obavezi da:

1. preduzme zajedno sa Osiguranikom odbranu od neosnovanih ili preteranih zahtjeva za naknadu štete (pravna zaštita - član 1. 5.);
2. udovolji osnovanim zahtjevima za naknadu iz osiguranja (naknada iz osiguranja - član 16.);
3. naknadi troškove spora kao i druge opravdane troškove radi utvrđivanja odgovornosti Osiguranika, u granicama sume osiguranja (naknada troškova - član 17.);

Obaveza Osiguravača na pružanje pravne zaštite obuhvata:

1. ispitivanje odgovornosti Osiguranika za nastalu štetu,
2. zastupanje Osiguranika pred sudom ako oštećeni ostvaruje pravo na naknadu štete u parničnom postupku,
3. davanje svih izjava u ime Osiguranika koje smatra cjelishodnim za zadovoljenje ili odbranu od neosnovnog ili preteranog zahtjeva za naknadu štete.

Uz saglasnost i uz uputstvo Osiguravača, vođenje spora može se prepustiti Osiguraniku, koji je u tom slučaju dužan da se pridržava uputstava i naloga Osiguravača, u pogledu vođenja postupka u parnici.

Tokom trajanja parničnog postupka Osiguravač može stupiti u parnicu na mjesto osiguranika ili učestvovati u svojstvu umješaača.

Osiguravač je ovlašćen da odbije da zastupa Osiguranika ili da stupa u parnicu u svojstvu umješaača, ako ocijeni da nema mjesta za pružanje pravne zaštite s obzirom na odnos visine zahtjeva za naknadu štete i visine sume osiguranja.

U slučaju da Osiguravač na ime naknade iz osiguranja isplati sumu osiguranja pre pokretanja spora, prestaje i njegova obaveza za pravnu zaštitu.

Naknada iz osiguranja

Član 15.

Osiguravač je dužan da u roku od 14 dana isplati naknadu iz osiguranja računajući od dana kada je utvrđena njegova obaveza i visina te obaveze.

Osiguravač zadržava pravo da na ime naknade Osiguraniku položi sumu osiguranja, te se u tom slučaju oslobađa svih daljnjih davanja i postupaka u vezi te štete.

U deponovanju radi obezbeđenja naknade štete na koje bi Osiguranik bio dužan po osnovu zakonskih propisa ili sudske odluke, Osiguravač učestvuje u istoj visini, kao i u naknadi iz osiguranja.

Ako je Osiguranik obavezan da plati na ime naknade štete rentu, a kapitalisana vrijednost rente premašuje sumu osiguranja, ili ostatak sume po odbitku drugih davanja u vezi sa istim osiguranim slučajem, dugovana renta će se naknaditi samo u srazmjeri između sume osiguranja, odnosno ostatka sume osiguranja i kapitalisane vrijednosti rente.

Ako se Osiguravač protivi prijedlogu Osiguranika da se o zahtjevu za naknadu iz osiguranja poravna, dužan je da plati naknadu, kamate i troškove po sudskoj odluci i onda kad premašuju sumu osiguranja.

Naknada troškova

Član 16.

Osiguravač naknađuje sve troškove parničnog postupka ukoliko je sam vodio spor ili je dao saglasnost osiguraniku na vođenje spora, pa i onda kada zahtjev za naknadu štete nije bio osnovan.

Ako je parnica vođena bez znanja i saglasnosti osiguravača, Osiguranjem su pokriveni troškovi spora samo u granicama sume osiguranja i to ako je spor osnovano vođen i ako su troškovi opravdani.

Osiguravač snosi troškove branioca u krivičnom postupku pokrenutom protiv osiguranika zbog događaja koji bi mogao imati za posljedicu postavljanje zahtjeva za naknadu iz osiguranja po osnovu odgovornosti pokriveno osiguranjem, i to samo izuzetno, ako je upoznat sa iskazom branioca i prihvatio da snosi troškove. Troškove krivičnog postupka, kao i troškove zastupanja oštećenog, Osiguravač ne nadoknađuje.

Kada izvrši svoju obavezu isplatom sume osiguranja, Osiguravač se oslobađa daljih davanja na ime naknade i troškova po jednom osiguranom slučaju.

Učešće u šteti osiguranika - franšiza

Član 17.

Na Osiguranika pada dio naknade iz osiguranja (franšiza) u iznosu koji je ugovoren na ugovoru o osiguranju - polisi. Minimalno učešće osiguranika u šteti (franšiza) iznosi 5% od visine štete, a minimalno 500,00KM.

Način obavještanja

Član 18.

Sva obavještenja i sve prijave koje su ugovorne strane dužne da učine, u smislu ovih Uslova osiguranja, ako su učinjena usmeno, telefonom ili na neki sličan način, obavezno se imaju pismeno potvrditi u rokovima predviđenim ovim Uslovima.

Ako se obavještenje, odnosno prijava, šalje preporučeno poštom, kao dan prijema obavještenja, odnosno prijave, smatra se dan predaje pošti. Sporazumi koji se odnose na sadržinu ugovora o osiguranju punovažni su samo ako su zaključeni u pismenom obliku.

Promjena naziva firme ili adrese i pravnog statusa ugovarača osiguranja, odnosno osiguranika

Član 19.

Osiguranik, odnosno Ugovarač osiguranja dužan je da o promijeni imena, naziva firme ili adrese, poslovnih prostorija obavijesti Osiguravača u roku od 15 dana, računajući od dana nastanka promjene.

Ukoliko Osiguranik, odnosno Ugovarač osiguranja ne obavijesti Osiguravača o promjenama iz prethodnog stava, za punovažnost obavještenja koja šalje Osiguravač dovoljno je da je obavještenje upućeno Osiguraniku preporučenim pismom prema posljednjim podacima o adresi, odnosno nazivu firme, kojima raspolaže.

Pravo Osiguravača na povraćaj isplaćene naknade iz osiguranja

Član 20.

Osiguravač zadržava pravo da zahtjeva vraćanje iznosa isplaćene nadoknade na ime sudskih troškova i isplaćene štete u slučaju da je šteta prouzrokovana namjerom ili prevarom Osiguranika.

Primjena zakonskih propisa

Član 21.

Na pitanja koja nisu regulisana ovim Uslovima, primjenjuju se odredbe Zakona o obligacionim odnosima i ostalih pozitivnopravnih propisa koji regulišu ovu materiju.

Nadležnost u slučaju spora

Član 22.

U slučaju spora između Ugovarača osiguranja odnosno Osiguranika i Osiguravača, biće isključivo nadležan stvarno nadležni sud prema mjestu sjedišta Osiguravača.

Završne odredbe

Član 23.

Ovi uslovi osiguranja stupaju na snagu i primjenjuje se danom donošenja od strane Upravnog odbora.

Predsjednik Upravnog odbora

Prof. dr Saša Vučenović

Opšti uslovi za osiguranje profesionalne odgovornosti su u skladu sa Zakonom o društvima za osiguranje, uz primjenu načela i principa aktuarske struke pa se isti mogu primijeniti u praksi što svojim potpisom potvrđujem.

Ovlašćeni aktuar

Bojan Latinović